

VENDIM
Nr. 19, datë 16.3.2015

**PËR SHPËRNDARJEN E FONDIT PËR THIRRJEN E DYTË PËR
NËNPROGRAMIN E ARSIMIT, SI DHE PËR NJË NDRYSHIM NË VENDIMIN NR.
11, DATË 25.2.2015**

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 160, datë 27.11.2014, “Për buxhetin e vitit 2015”, Komiteti për Zhvillimin e Rajoneve

VENDOSI:

1. Shpërndarjen e fondeve për projekte të nënprogramit të arsimit (arsimi bazë dhe i mesëm), pjesë e Fondit për Zhvillimin e Rajoneve për vitin 2015, në vlerën 197 126 815 (njëqind e nëntëdhjetë e shtatë milionë e njëqind e njëzet e gjashtë mijë e tetëqind e pesëmbëdhjetë) lekë, sipas tabelës 1 bashkëlidhur këtij vendimi.

2. Autoritetet kontraktuese, për projektet sipas pikës 1, të këtij vendimi, brenda një jave nga data e publikimit të këtij vendimi në Fletoren Zyrtare, duhet të paraqesin pranë Sekretariatit Teknik për Arsimin, në Ministrinë e Arsimit dhe Sportit, kalendarin me të gjitha afatet e parashikuara për fazat e prokurimit publik e të zbatimit të punimeve të ndërtimit e përdorimit të fondeve dhe emrin e personit përgjegjës për ndjekjen e zbatimit të punimeve.

3. Autoritetet kontraktuese, për projektet sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fund të tremujorit të dytë të vitit 2015. Për fondet e projekteve të paprokuruar sipas këtij afati, Komiteti për Zhvillimin e Rajoneve ka të drejtën për të rishqyrtuar financimin dhe për të rishpërndarë fondet e këtij financimi për një projekt tjetër.

4. Ngarkohet Sekretariati Teknik për Arsimin, pranë Ministrisë së Arsimit dhe Sportit, të bëjë monitorimin dhe raportimin e ecurisë së zbatimit të projekteve pranë Sekretariatit të Përgjithshëm të Komitetit për Zhvillimin e Rajoneve, në Kryeministri, sipas kalendarit të paraqitur nga autoritetet kontraktuese, në përputhje në pikën 3, të këtij vendimi.

5. Në tabelën nr.1, që i bashkëlidhet vendimit nr. 11, datë 25.2.2015, të Komitetit për Zhvillimin e Rajoneve, “Për shpërndarjen e fondit për arsimin, pjesë e Fondit për Zhvillimin e Rajoneve”, bëhen ndryshime sipas tabelës 2, bashkëlidhur këtij vendimi.

6. Ngarkohen ministri i Arsimit dhe Sportit, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar;
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Shëndetësisë	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Bashkive të Shqipërisë	anëtar;
Kryetari i Shoqatës së Komunave të Shqipërisë	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës për Autonomi Vendore	anëtar.

Tabela 1. Lista e projekteve të reja për financim, në nënprogramin e arsimit, nga FZHR 2015

Nr	Autoriteti Kontraktues	Emërtimi i projektit	Programi	Vlera e plotë e projektit (Lekë)	Vlera e financimit për vitin 2015 (Lekë)	Vlera e financimit për vitin 2016 (Lekë)
		QARKU FIER				
1	Bashkia Lushnje	Rikonstruksion i shkollës së mesme të përgjithshme 18 Tetori, Bashkia Lushnje	9230	53,141,487	26,570,744	26,570,743
		FONDI SHQIPTAR I ZHVILLIMIT*				
2	Fondi Shqiptar i Zhvillimit	Rikonstruksion i shkollës së mesme të bashkuar "Caush Senja" Tunje, Komuna Tunje	9230	6,494,161	3,247,081	3,247,080
3	Fondi Shqiptar i Zhvillimit	Rikonstruksion i shkollës 9 vjeçare Fshati Sheq Musalalaj, Komuna Frakull	9120	32,543,699	16,271,850	16,271,849
4	Fondi Shqiptar i Zhvillimit	Rikonstruksion i shkollës 9 vjeçare fshati Toshkës, Komuna Allkaj, Lushnje	9120	38,497,556	19,248,778	19,248,778
5	Fondi Shqiptar i Zhvillimit	Rikonstruksion i shkollës 9-vjeçare Dersnik, Komuna Voskop	9120	12,173,171	6,086,586	6,086,585
6	Fondi Shqiptar i Zhvillimit	Ndërtim i shkollës së mesme Farkë e Madhe, Tiranë, Komuna Farkë	9230	252,467,306	125,701,776	126,765,530
TOTALI				395,317,380	197,126,815	198,190,565

* Në zbatim të vendimit të KZHR nr.6, datë 9.2.2015, "Për administrimin "tranzitor" të projekteve me autoritet kontraktues komunat, për periudhën shkurt-shtator 2015".

Shënim:

1. "Vlera e plotë e projektit" përfaqëson vlerën brenda së cilës caktohet fondi limit për prokurimin e zbatimit të punimeve (kur nuk ka financim tjetër nga NJQV-të). Vlera e plotë e projektit përcillet nga sekretariati teknik (Ministria e Arsimit dhe Sportit).
2. "Vlera e financimit për vitin 2015" tregon vlerën e financimit që vihet në dispozicion nga buxheti i Fondit për Zhvillimin e Rajoneve për vitin 2015.
3. Diferenca financimit të vlerës së plotë (mbas prokurimit) me vlerën e financimit për vitin 2015 do të financohet nga FZHR-ja për vitin 2016.

Tabela 2. Ndryshim në tabelën 1, që i bashkëlidhej vendimit nr.11, datë 25.02.2015

Projektit nr.9 i ndryshohet emërtimi si më poshtë vijon:

Nr.	Autoriteti Kontraktues	Emërtimi i projektit	Programi	Vlera plotë e projektit (Lekë)	Vlera e financimit për vitin 2015 (Lekë)	Vlera e financimit për vitin 2016 (Lekë)
		QARKU KORÇË				
9	Bashkia Korçë	Rikonstruksion i shkollës 9-vjeçare "Stavri Themeli"	09120	49,999,496	24,999,748	24,999,748